

in stätiger Weinsäufferey / Vnnd der Wein gar einem  
auß dem Halse herauß prudelt / vnd gar zur Nasen her-  
auß läufft: κώμοιο; Wenn man zusammen kömpt Stes-  
sens / Sauffens / Tanzens / Vppigkeit vnnnd Vnzücht  
hälber / wie die Gelehrten von diesem wort melden:  
πώοιο, Wenn man sich einen Rausch oder voll trincket:  
ἀθεούοιο εἰδωμοδάρεοιο, Wenn man in gewaltlicher  
Abgötterey lebet / welches geschicht / wenn ein Mensch /  
πνεύοιο, mit dem was Fürhanden ist / sich nicht begnü-  
gen lesset / Sondern Geizig wird / henger sein Herz an  
den Mammon / vnnnd wird ein Abgötter / oder ein Gö-  
tzendiener / Ephes: 5. 5. Coloss: 3. 6. Summa wer in den  
Fleische swercken wissenlich vnnnd beharrlich lebet / der-  
selbe lebet Heydnisch / oder nach Heydnischen willen.

Hebr. 13. 5.

Ephes. 5. 5.  
Coloss. 3. 6.

Auß solchem Heydnischen leben aber / hat vns nu  
Gott durch Jesum Christum erlöset / welcher vns in  
seinem Evangelio gezeiget vnd offenbahret / wie dieses  
Heydnische Leben gar Verdämlich / Sein Himmlischer  
Vater / wils durchauß nicht mehr bey vns / die wir be-  
fehret sind / weder wissen noch hören; Vnd sollen nur  
sicherlich gläuben / wo wir in vnsrer bekehrung vnd Chri-  
stenthumb / werden wieder Heydnisch leben / vnd vnsern  
Leib / der Christi worden ist / mit ihren Greweln wieder  
besudeln / das wir nimmermehr sollen Selig werden.  
Davon Paulus: Wisset ihr nicht / das die Un-  
gerechten werden das Reich Gottes nicht er-  
erben? Lasset euch nicht verführen / weder die  
Hurer / noch die Abgöttischen / noch die Ehe-  
brecher / Diebe / Geitzige / Trunckenboldt /  
Lästerer / Räuber / werden das Reich Gottes  
nicht ererben. Vnd solche sind ewer etliche

C

gewe-